

tibus versatur, ut facilius, prospicit gressus faciē-
dos, ut securius, scopum expandit ut certius, Geo-
metricè licet argumentādo Arithmetica complec-
titur ut universalius, verbis cooperatur ut effica-
cius, ritè concinnata adhibet elementa ut elegan-
tius, differentes aperit vias ut iucundius, & ex
certa scientia præeligit commodiores ut utilius
problema simul solvat, construat, & demonstret.
Elementa inquam ritè concinnata adhibet, nam
quæ sexcenti alij Interpretes commentati sunt,
ideo formidine cuiusque legentis animum inquie-
tarunt, quod laborarent ignorantia huiusce finis,
sive, ut ita dicam, obiecti attributionis unicè do-
centis quæ & qualia esse debeant elementa ad se-
conducentia; unde asserere audeam plus emolu-
menti ex huius analyseos introductione in elemen-
ta redundare, quam ex sexcentorum hucusque
Interpretum lucubrationibus. Hanc nudam po-
tius descriptionem, quam exquisitam laudem ex-
pediuit complacentia mea quadriennis, quam in-
dies augere non desinit, iugis huius analyseos exer-
citatio, Deo de re tam utili dentur gratiæ, Au-
thori congratulatio, mihi detentionis in limine ve-
nia. In Collegio Gadicensi Societatis Jesu 20 Ja-
nuarij 1698.

Carolus Povvel.